

AGENDA

Bydd y Sesiwn yn dechrau am 2.00pm

Bydd y gweinidog dros Fusnes y Cynulliad yn cynnig Cynnig Trefniadol o dan Reol Sefydlog 6.16 i ddwyn ymlaen yr eitem canlynol

Eitem 1

Etholiadau i Bwyllgorau

NNDM844 - Cynnig bod y Cynulliad Cenedlaethol, yn unol â rheol sefydlog 14.3, yn ethol Peter Rogers (Ceidwadwyr) i'w Bwyllgor Cyfle Cyfartal yn lle Jonathan Morgan (Ceidwadwr)

NNDM843 - Cynnig bod y Cynulliad Cenedlaethol, yn unol ag Adran 57(8) Deddf Llywodraeth Cymru 1998 yn ethol David Davies (Ceidwadwyr) i'w Bwyllgor Pwnc ar Ddatblygu Economaidd yn lle Glyn Davies (Ceidwadwyr)

NNDM842 - Cynnig bod y Cynulliad Cenedlaethol, yn unol ag Adran 57(8) Deddf Llywodraeth Cymru 1998 yn ethol Glyn Davies (Ceidwadwyr) i'w Bwyllgor Pwnc ar Ddiwylliant yn lle Jonathan Morgan (Ceidwadwyr)

NNDM841 - Cynnig bod y Cynulliad Cenedlaethol, yn unol â rheol sefydlog 13.2 yn ethol Jonathan Morgan (Ceidwadwyr) i'w Bwyllgor Busnes yn lle William Graham (Ceidwadwyr)

Eitem 2

Ethol Pwyllgor Penderfyniadau Cynllunio

NDM837 - Cynnig:

1. Bod pwyllgor, i'w adnabod fel Pwyllgor Penderfyniadau Cynllunio 2001/7 yn cael ei sefydlu, yn unol â Rheol Sefydlog 35, i gyflawni swyddogaethau'r Cynulliad mewn perthynas â'r materion a nodir yn yr Atodlen i'r cynnig hwn sydd wedi'u nodi wrth bob mater yn yr Atodlen honno, a bod swyddogaethau'r Cynulliad yn y cyswllt hwnnw yn cael eu dirprwyo i'r Pwyllgor hwnnw;

2. Mai aelodau'r Pwyllgor hwnnw fydd:

John Griffiths AC
Karen Sinclair AC
David Davies AC

Geraint Davies AC

3. Y bydd y Pwyllgor yn peidio â bod pan fydd Cadeirydd y Pwyllgor yn llofnodi'r llythyr penderfynu yn unol â Rheol Sefydlog 35.16 neu ar 30 Tachwedd 2001, p'un bynnag sy'n dod gyntaf.

4. Os bydd y Pwyllgor yn peidio â bod heb i'r Cadeirydd lofnodi llythyrau penderfynu mewn perthynas â'r materion a nodir yn yr Atodlen i'r cynnig hwn, yna yn yr achos hwnnw dirprwyir y swyddogaethau a nodir ym mharagraff 1 uchod, mewn perthynas â mater o'r fath, i Brif Weinidog Cymru.

Atodlen

Galw i mewn cais gan Mr D J a Mrs M D Price ar gyfer codi annedd i weithwyr amaethyddol yn Nyfadfa Isaf, Gwynfe, Llangadog

(Swyddogaeth y Cynulliad – adran 77 Deddf Cynllunio Gwlad a Thref 1990)

Galw i mewn cais ac apêl adran 174 gan Miss S Williams a Mr O Isaac i adnewyddu hen ffermdy i'w droi'n annedd yn Thornhill, Landyfan, Rhydaman

(Swyddogaeth y Cynulliad – adran 77 ac 174 Deddf Cynllunio Gwlad a Thref 1990)

Apêl cynllunio gan Carillion Development i ddatblygu 174 o unedau o fflatiau preswyl dwysedd uchel mewn tri bloc yn amrywio o 4-15 llawr (gan gynnwys parcio tanddaearol) yn Schooner Way, Glanfa'r Iwerydd, Caerdydd

(Swyddogaeth y Cynulliad – adran 78 Deddf Cynllunio Gwlad a Thref 1990)

Eitem 3

Cwestiynau Llafar i'r Prif Weinidog

Cliciwch [yma](#) i weld y cwestiynau

Eitem 4

Datganiad Busnes: y Trefnydd

Cliciwch [yma](#) am y Datganiad Busnes Drafft

Eitem 5

Cynnig cyfansawdd i gymeradwyo:

NDM838 - Cynnig bod y Cynulliad Cenedlaethol, yn unol â Rheol Sefydlog 22.25:

Yn cymeradwyo:

1. Gorchymyn Iechyd Planhigion (Diwygio) (Cymru) (Rhif 2) 2001 a osodwyd yn y Swyddfa Gyflwyno ar 23 Hydref 2001; ac

Yn ystyried adroddiad y Pwyllgor Deddfau nad yw wedi nodi unrhyw faterion sy'n peri pryder yn y gorchymyn drafft Gorchymyn Iechyd Planhigion (Diwygio) (Cymru) (Rhif 2) 2001 a osodwyd yn y Swyddfa Gyflwyno ar 6 Tachwedd 2001.

Cliciwch [yma](#) i weld y rheoliadau drafft

Cliciwch [yma](#) i weld Adroddiad y Pwyllgor Deddfau

2. Rheoliadau Ardaloedd Rheoli Mwg (Tanwyddau Awdurdodedig) (Cymru) 2001 a osodwyd yn y Swyddfa Gyflwyno ar 16 Hydref 2001; ac

Yn ystyried adroddiad y Pwyllgor Deddfau nad yw wedi nodi unrhyw faterion sy'n peri pryder yn y gorchymyn drafft Rheoliadau Ardaloedd Rheoli Mwg (Tanwyddau Awdurdodedig) (Cymru) 2001 a osodwyd yn y Swyddfa Gyflwyno ar 30 Hydref 2001 a'r Memorandwm Cywiriadau a osodwyd yn y Swyddfa Gyflwyno ar 31 Hydref 2001.

Cliciwch [yma](#) i weld y rheoliadau drafft

Cliciwch [yma](#) i weld y Adroddiad y Pwyllgor Deddfau

Cliciwch [yma](#) i weld y Memorandwm Cywiriadau

Eitem 6

Dadl ar y Strategaeth Ddigartrefedd

NDM839 - Mae'r Cynulliad Cenedlaethol;

1. Yn croesawu adroddiad y Comisiwn Digartrefedd a'i gyngor ar achosion digartrefedd gan gynnwys ei bwyslais ar yr angen am wasanaethau sydd wedi'u hanelu at atal digartrefedd a chynnal pobl ddigartref.

2. Yn cydnabod pwysigrwydd strategaethau lleol cynhwysfawr ar ddigartrefedd ag iddynt elfen gref o gydweithio rhyng-asiantaethol i sicrhau atebion cynaliadwy i bobl ddigartref.

3. Yn gofyn i'r Pwyllgor Llywodraeth Leol a Thai ystyried yr ymatebion i'r argymhellion yn yr adroddiad a monitro datblygiad strategaeth genedlaethol ar ddigartrefedd.

Gosodwyd fersiynau electronig Cymraeg a Saesneg o Adroddiad y Comisiwn Digartrefedd yn y Swyddfa Gyflwyno ar 12 Tachwedd 2001.

Gosodwyd copïau papur o'r Atodiadau i'r Adroddiad yn y Swyddfa Gyflwyno ar 12 Tachwedd 2001. Nid oes copi electronig.

Cliciwch [yma](#) i weld y Adroddiad y Comisiwn Digartrefedd - Ni fydd y ddogfen ar gael ar We'r Siambr

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol
(1)+(2)+(3)+(4)
(5)+(6)

Gwelliant 1 - Jocelyn Davies (Dwyrain De Cymru);

Ar ddiwedd pwynt 2 dileu "." a rhoi:

, ac yn cydnabod na ddylid datblygu strategaethau digartrefedd ar eu pennau eu hunain, ond y dylai strategaethau eraill, y mae eu hamcanion a'u pwyntiau gweithredu'n hwyluso'r strategaeth, eu galluogi.

Gwelliant 2 - Jocelyn Davies (Dwyrain De Cymru);

Ychwanegu pwynt 3 newydd ac ailrifo'n unol â hynny:

Yn cydnabod nad yw strategaeth ddigartrefedd yn ddiben ynddi'i hun ac na ddylai fod yn broses dechnegol, hyd braich. Dylai fod yn ddogfen ddeinamig a hyblyg sy'n cael ei diweddarau'n gyson er mwyn adlewyrchu anghenion ac amgylchiadau sy'n newid.

Gwelliant 3 - Jocelyn Davies (Dwyrain De Cymru);

Ym mhwynt 3 ar hyn o bryd, dileu popeth ar ôl "yr adroddiad" a rhoi:

. Yna bydd y Pwyllgor yn goruchwyllo ac yn monitro hynt y strategaeth hon a fydd yn cael ei datblygu ar y cyd â'r holl gyrrff a'r mudiadau sy'n ymwneud â llunio Adroddiad y Comisiwn Digartrefedd.

Gwelliant 4 - Jocelyn Davies (Dwyrain De Cymru);

Ychwanegu pwynt bwled newydd ar ddiwedd y cynnig:

Yn cydnabod pwysigrwydd arian cyfalaf a refeniw hir dymor i fudiadau gwirfoddol yn y sector tai, a'r ymrwymiad ariannol sylweddol sydd ei angen er mwyn cyflawni argymhellion yr adroddiad.

Gwelliant 5 - Jonathan Morgan (Canol De Cymru);

Ychwanegu pwynt newydd ar ddiwedd y cynnig:

Yn galw am ymgynghori penodol ac eang â'r rheini sy'n gweithio i fynd i'r afael â digartrefedd yn y sector gwirfoddol a statudol.

Gwelliant 6 - Jonathan Morgan (Canol De Cymru);

Ychwanegu pwynt newydd ar ddiwedd y cynnig:

Yn galw am ymgynghori pellach ag Awdurdodau Lleol mewn ardaloedd y mae rhannau helaeth ohonynt yn wledig.

Eitem 7

Dadl fer (a ohiriwyd o 19 Gorffennaf)

NDM770 Ann Jones (Dyffryn Clwyd); Tai Amlbreswyliaeth

Eitem 8

Dadl ar Adroddiad Blynyddol y Pwyllgor Safonau

NDM840 - Yn cynnig bod y Cynulliad Cenedlaethol yn unol â Rheolau Sefydlog 6.5 and 16.1 (v), yn nodi Adroddiad y Pwyllgor Safonau Ymddygiad a osodwyd yn y Swyddfa Gyflwyno ar 12 Tachwedd 2001.

Cliciwch [yma](#) i weld y Adroddiad y Pwyllgor Safonau Ymddygiad - Ni fydd y ddogfen ar gael ar We'r Siambr. Ar gael yn Saesneg yn unig

Bydd y cyfarfod yn dod i ben am 5.30pm

Cynhelir Cyfarfod Llawn nesaf y Cynulliad am

9.05 am ddydd Iau, 22 Tachwedd 2001

E P Silk

Clerc y Cynulliad